

در سعادتده یکی پوسته خانه قارشوسنده
دايره مخصوصه در

محل ارابه:

مستطابق

انظار:

هيسلکمزه موافق آثار جديده مع المنزويه قبول اولنور
در ج ايديلمين آثار اعاده اولنور

دين، فلسفه، ادبيات، حقوق و علوم دن باحث هفته لق رساله در

مؤسسلى: ابوالعلا زين العابدين - ح. اشرف اديب

در سعادتده نسخه سى ۵۰ پاره در

تاريخ تاسيسى:
۱۱ تموز ۳۲۴

قيريلدن مقوا بورو ايله كوندريليرسه سنوي
۲۰ غروش فضله آلنير.

سنه لى الق ايلقى	۳۵	۶۵	در سعادتده
	۵۰	۹۰	ولاياتده
غروشدر.	۵۰	۱۰۰	ممالک اجنبیهده

در سعادتده پوسته ايله كوندريليرسه ولايات بدلى اخذ اولنوره

عدد: ۶

۲۲۶ رمضان ۵ پنجشنبه ايلول ۱۸ ۳۲۴

برنجى سنه

یامعشرالشرقیین! بتون شوونمزده، بتون تصرفات اجتماعیه مزده بوکبی ارباب افراطک هوسانته عرض انقیاد ایتک بزم ایچون منجم برقصای آسمایدر؟

علمک، حسک، عقلک، بتون علمای بشرک، عقلای عالمک قالقهرق شریعت اسلامیته نیک غایت موجز برانص ایله ایضاح ایلدیگی مال حکمتی تأیید ایتمکده اولدقلربی کورمدن بزه یتشمزیمی که آرتق باصره انباهمزی آچلمده اوشریعت مطهره نیک مقدس تعلیماته اقتدا ایدرک عندالله، عندالناس مطعون اولمقدن کندیمزیمی قورنارهلم؟

همر عاکف

حریت - مساوات

— مابعد —

فرض ایدلم که زوج زوجه سنک حال تهمته بولندیغنه بدنه حاضرلدی. صکره حاکمه، یاخود مدعی عمومی به مراجعت ایده جک. مدعی عمومی برچوق تحقیقاته لزوم کوره جک. اوراق استنطاقه حواله ایده جک. قادین جلب اولنه جق. صوریله جق. طبیعی انکار ایده جک. بلکه ده بایله جق. چونکه اوله بیلورکه بری الذمه در، ناموسلیدر؛ فقط زوجی خلافی ظن ایتشددر. بونکلده قالمز. لزوم محاکمه سنه قرار ویریلور ایسه محکمه یه کیدیله جک. محاکمه خفی اولغله برابرینه بر هیئت حاکمه، کاتبلر، شاهدلر وار. شمعی محکمه یادعوایی رد ایده جک، ویاخود طلاقه حکم ایده جک.

اگر طلاقه حکم اولنور ایسه او قادینک حال تهمته بولنش اولدیغی محکمه سجالته قید اولنه جق. شمعی بویله بر قادینی جمعیه قویکیز. عجا او قادین بوندن صکره بردها سعادت یوزی کوره بیله جکمی؟ شبهه بوق که کوره میسه جک. انک حقنده یشامقدن ایسه اولمک دها خیرلودر. زیرا بو عذاب معنوی اولومدن دها دهشتلیدر.

محکمه اسبابی کافی کورمزده دعوایی رد ایدرسه؟ نه اوله جق؟ او آدم رسماً حال تهمته بولندیغی ادعا ایتدیگی قادین ایله نصل حیات کچیره جک؟ بوندن صکره انلرک بر یرده بولمقری بیوک، پک بیوک جنایتلره سببیت ویره جکنده شبهه می قالور؟

حالبوکه امر طلاق زوجک یدنده اولوبده بوکبی سبیلری کسه یه افشا ایتمکسزین زوجه سنی تطلیق ایدرسه بو تطلیق زوجه ایچون برعبرت مؤثره اوله جفندن کسب صلاح ایدرک دیگر کسه ایله عقد ازدواج ایدر. واندانصکره حیاتی مسعودانه امرار ایلر.

شوحالده امر طلاق — جمعیت بشریه نیک ابتدای تشکلندبری رئیس عائله عد اولنان — زوج یدینه ویرلسنک موافق حکمت اولدیغی وشریعت جلیله اجدیه نیک بومسئله ده دخی احراز تفوق ایتدیگی بلا شک تحقق ایدیور.

مع هذا شریتمزده بعض اسبابدن ناشی قادینک ویاخود ویلسنک محکمه به مراجعتله زوجیه بینلرینی تفریق طلبنده بولنسی، ودرمیان

تسوان غربک نائل اولدیغی حریتی، حقوقی کافی کورویور؛ دیگرى ایسه ده ایلرینی ایستور، ایکی جنس آردسنده هیچ فرق قالمسون دیور.

بزه دیرزکه (تحریر المرأة) مؤانی شوایکی فرقه طرفدارلرینک سوزلرینی سرد ایتدی که هر برینسک اهمیت حقیقیه سنی اکلایهلم؛ هانکیسنک ده قوی، ده اچوق پیروه مالک اولدیغی بیللم. یوقسه بونظریه نیک قبولنه بزم ایچون مساع اوله ماز. اوله یا، بزمطالعملرینی قسماً نقل ایتدیگمز، صره سی کلدجکده ایده جکمز موثوق الکلم علما آردسنده برکشی بیله کوره میوزکه حریتک یالکز سطحی نظرلری آلداتان بو طیشی یالیزیلی قسنه دیده استحسان الله باقسون.

زیرا هرکجه بیلین حقاقتدندرکه بزه اجنبی اولان اقوامک ماهیتلرینی اکلامق ایچون یکنه طریق اولنرک اعظم علماسنک سوزلرینی دلیل انخاذ ایتدیگمز. بناء علیه بز بواصولی نظر امامندن آیرمادق؛ اولنرک محیط العلوملرنده، اوکوست قونت، پرودون، ژول سیمون کی دها برچوق رؤسای فلاسفه نیک مؤلفاتنده بو بحثه متعلق موادی ایتان ایتدک.

یوق، اگر غربده یتیشن هر محررک سوزینه وقف افکار ایده جک اولورسه ق اوزمان هر درلو سفسطه یی قبوله آماده بولنملی بز. زیرا حریت قلبیه بونلره هر شی سویله بیلک صلاحیتنی مع زیاده بخش ایتدیگی ایچون ایش اودرجه یه وارمشدرکه بو کین ایچلرنده، بشریتک امراض ساریه دن سلامتی اوغورنده، نه قدر خسته اقلی آدم وارسه اولدیلمسنی توصیه ایدنلر بیله بولونیور!

یاز که بویله طار، مشکل بر زمانده یز؛ لایقیدرکه علوم صحیحه نیک مقررات ثابته سنی اغماض ایله کچیشدیرملم؛ عصر حاضرده عقلای غربک ریسی بوانسان برذاتک سوزلرینی دیکله میلمده کندی مملکتلرنده کی اصحاب عقل و حکمت طرفندن بیله عالمی فساد ویرمکله، ارککله قادین آردسنده بر قاریشیقلاق احداثه چایشمقله محکوم ایدلمش بر آلائی سفهای محررینک القسا أنه قابلهم؛ کندیمزیمی بیله بیله اولنرک دام اغفالاته دوشورهلم؟

(تحریر المرأة) مؤانی «شمعی غربده بر برینه معارض ایکی فرقه وار.» دیور. بزه دیرزکه اوت طوغرودر. بری علمانک اسرار طبیعت وخلقق باصره امان ایله تدقیق ایدن طائفه کزینی؛ دیگرى ایسه هوا وهوسنه محکوم برطاقم خیالپردازان گروهی.

مع مافیله بو ایکنجی گروه کونک برنده شوون عالمک هانکیسنده اولورسه اولسون برنجی طائفه یه غالب کلمشده اولسه، شو حال مدیتک بوشکل معلونده هیچ شایان استغراب دکلددر. [عفو ایدر سکز بو تعبیری اجتماعی شهر کیوم فره ری تقلیداً قولانیورم]

زیرا بونلرک ایچننده اوله لری وارکه ادیانک، حکوماتک محوبنه یورویور؛ اوله لری وارکه بتون شهوات حیوانیه نیک اباحه سنی تروج ایدیور؛ الحاصل اوله لری وارکه بتون شعائر انسانییه یی، معالم مدنییه یی نلندن بیقیمق کبی کونا کون خیالات مخربانه ایله اوغراشیور!

ایتدیکي اسبابك ده تحقق ایتسی اوزرینه بیلرینی تفریق ایتک و طرفینک حقوقی صوک درجه محافظه ایتک حکام شرعک وظائفی جله سندندر . فی الواقع شوزمانلرده مسئله تاهلک سوء استعماله اوغرامش اولدیغی ده قابل انکار دکلدرد . هر درلو مزایای انسانیه دن محروم بر چوق کسه لر کوریورزکه کندیلمزنده تشکیل عائلیه اهلیت ولیافت اولدیغی حالده مجرد هوا وهوسنده تاج اوله رق کیف ما اتفق تاهل ایدیورلر . صکره بالطبع کینه میورلر . بعضیلری مجرد تجدید ذوق ایچون متصل تاهل ایدوب صکره ترک ایدیورلر . بعضیلری ده آلدقلمری اوزواللی قادیلمز درلواذا وجفا ایتدکاری حالده براقده ایسته میورلر . چونکه براقدقلمری تقدیرده کندیلمزندن نکاح ، نفقه وسائر کبی برچوق شیلر ایستیه جکلرینی وبونلری ویرمه مک مقتدر اوله میه جکلرینی بیلورلر ، اولجه یه قدر تحت نکاحلرنده بولنان اوزواللی بیچاره لری سورندیره رک هر درلو لذاند انسانیه ومدنیهدن محروم براقیورلر .

فقط بوقصور حاشا شریعتده دکل ! شبهه سزکه بزده در . تربیه عمومیه ده کی نقصاندن ونکاحه متعاق اولان احکام شرعییه تمامیه عدم رعایتدن ناشیدر . زیرا شریعت احدیه نکاحک صحتنده وبرروایتده لزومنده - یعنی فسحی عدم قبولنده - زوجک زوجیه نسبه ، دیانت و اخلاقده ، ثروت وصنعتده ، ودها برچوق اوصافده کفو اولسنی شرط قیلدیغی کبی تاهل ایتدیکي تقدیرده زوجیه سنه جور وجفا ایده جکی وانی انفاق واعاشه دن عاجز قاله جنی الحاصل حقوق زوجیتی ایضا ایده میه جکی متیقن اولان کسه یه دخی تزوجی حرام قیلشدرد .

بناء علیه اگر تربیه عمومیه منتظم بر حالده اولوبده طرفین تمامیه بوشراطره رعایت ایتدیلر بوکبی مناسبتر احواله هیچده میدان قالماز . شو مناسبته نکاحک صفات وبعض آدابنی اجمالاً بیان ایده لم : نکاح : مهر و نفقه وسائر یه اقتدارله برابر حال اعتدالده سنت مؤکده در ، توقان حالده یعنی نفس ارتکاب زنادن منع ایده میه جک درجه ده نسایه اشتها زماننده واجیدر ، خوف جور یعنی حقوق زوجیتی لایقینه ایفاده قصور ایده جکلندن خوف حالنده مکروهدر ، حقوق زوجیتی ایضا ایده میه جکی متیقن اولدیغی تقدیرده حرامدر و قبل العقد خاطبک [۱] مخطوبه یه [۲] نظر ایتسی و مخطوبه نک سن و مال جهتیه خاطبک دوننده و تربیه و ادب و عفت و جمال حسبیه خاطبک فوقنده اولسی مندوبدر .

بناء علیه تاهل ایتک آرزوسنده بولنان بر کسه نک ایشته شو شرائط و اوصافی نظردقته آلمسی ، واکاکوره حرکت ایتسی لازمدر . خلاصه طالب زوج اولان بر آدمک اولا تزوجه طالب اولدیغی قیز و یا قادینه کفایتی ، مهر ، نفقه ، سکنا یه ، تشکیل عائلیه ، و حقوق زوجیتی تمامیه ایفایه قدرتی تحقق ایتلی ، و طرفین یکدیگرینی بکنمیدر . بونلر تحقق ایدرسه اولنلی تحقق ایتدیکي حالده تاهلندن صرف نظر

[۱] طالب زوج اولان ارکک
[۲] تزوجی طلب ایدیلان قادین

ایدوب امر تزوجک توقف ایتدیکي شیلری تحصیل ایده جک و شرائطنی اکل ایلیه جک اسبابه توسل ایتلی ، بعده ینه کفوی اولدیغی بر قیز و یا قادینه تزوج ایتلی . حکام شرعده بوبابده کی تقیداتی بر قاندها توسیع وتزیدیه همت ایتلیدر .

اگر بویله اولورسه حسب الايجاب امر طلاقک زوجک یننده اولسی مسئله سنه دخی هیچ کسه نک اعتراض ایتیه حق اولماز . شریعت احدیه نک احکام سائره سی کبی بو حکمک دخی موافق مصلحت اولدیغنده ترده اصلا محل قالماز حاشا قانون حریت و عدالت منافی اولدیغنه کیمسه حکم ایده من .

موسی لاطم

مواعظ

مقرری : مناستری اسماعیل حق افندی حضرتلری
محرری : سیروزلی ح . اشرف ادیب
درس : ۴۷ ۲۴ تموز ۳۲۴

صوکره بزده ایشته اول امرده اطاعت ایده جکز . اطاعتله مکلفز . اطاعت وظیفه مندر ، وظیفه اساسیه مندر . بر سلطان ، بر خلیفه که اجرای عدالت ایدیور ، هر ایشی اهلنه تودیع ایدیور ، ذره قدر انصاف و عدالتدن آیرنماور ، اوکا اطاعت وظیفه اولمازی ؟ ..

صوکره نه بیورور ؟ ایشته اصل در سمزه کلیورز :

[فان تنازعتم فی شیء فردوه الی الله والرسول]

شیمدی بویله اجمالاً معنی و پررز . صوکره ایلروده و قتمز اولورسه دها زیاده تفصیل اولنه جق . بو آیتلر پک مهمدر . هر بری بردستور کلی در ، بر قانون اساسی در . خارجنده هیچ بر شیء قالماز . مثلاً : اهلنه تودیع امور ایتک ... بو ، نره دن آلمش ؟ هب الله قانونندن آلمشدر . عدالتله حکم ایتک ندر ؟ ایکی خصم کله جک حاکمک حضورینه . اوراده سویلشه جکلر .

— حقک وارمی ؟ ایشته عدالت محکمه سی اکل ! ..

دینیور . ارتق صیزیلیقیه محل قالیری ؟ هر شی حر . یازه جق ، کزه جک ، تجارت ایده جک . کیمسه قاریشه ماز .

بویله میدی اول ؟ بر آدم بریره کیمده میوردی . شهر ایچنده کزه میوردی . بر پولیس همان یاقه سنه چاناردی . « بر خفیه ملوئنک شرینه دوشیمیم » دیه بیک درلو اعتنار . نه صوری وار ، نه سؤال . ادنی بر پولیس عالی بر آدمی ژورنال ایدرسه ارتق او مملکتک حالی آ کلاملی . آمان یارب ! بو قدر زمان فصل صومشز ؟ ایلک ایشلری اوایدی : پاره سی وارسه صیزدیرلر . یوق ایسه نره یه کیدرسه کیتسون ، بر طرفه نفی ایدرلردی . اونه کیلری عبرتین اولسون ، مسلکترینه سس چیقارماسون .

پادشاه تکرار قانون اساسینک تطبیقنی امر ایتدی ده بومظالمندن قور تولدق . قانون اساسی که قانون الهی دیمکدر . انسانه انسانجه معامله ایدیللی . اسیر دکلز ، الله حر یاراتدی . نه ایش او یاورلر ، اومنسوبلر ؟ ..